



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-240-3/23**

Datum: 27.06.2023. godine

„Agencija za vodno područje rijeke Save“ Sarajevo rješavajući po zahtjevu pravnog lica «SISECAM SODA LUKAVAC» d.o.o. Lukavac za sanaciju nasipa postojećih taložnica „Bijelo more“ (taložnice 1, 2 i 3), izgrađenih u općini Lukavac, na osnovu člana 109. stav (1) tačka 11. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi

RJEŠENJE **o vodnoj saglasnosti**

1. Pravnom licu «SISECAM SODA LUKAVAC» d.o.o. Lukavac, daje se vodna saglasnost za sanaciju nasipa postojećih taložnica „Bijelo more“ (taložnice 1, 2 i 3), izgrađenih u općini Lukavac u skladu sa projektnom dokumentacijom:
 - Dopuna projekta Usaglašavanje projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu“ urađen od strane Rudarski institut d.d. Tuzla, maj 2023 godine
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se, u skladu sa odredbama člana 114. stav (3) Zakona o vodama, ovjerena od strane ove Agencije vraća investitoru na trajno čuvanje i sastavni je dio ovog rješenja.
4. Dostavljeni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-536-10/22 od 30.03.2023. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 4.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 4.2. Da se dinamika i tehnologija izvođenja radova sanacije nasipa postojećih taložnica „Bijelo more“ (taložnice 1, 2 i 3) uskladi sa dinamikom realizacije projekta Uređenje korita rijeke Spreče u Lukavcu na potezu od izvedenog dijela do ušća Jale kako bi se izbjegle kolizije i kako realizacija jednog projekta ne bi u tehničkom smislu onemogućila realizaciju drugog.
 - 4.3. Izvođenje radova na dijelu taložnice broj 2 (dionica rijeke Spreče na stacionaži od približno 500 do 800 m u dužini cca 250m do 300 m je u direktnoj koliziji sa tehničkim rješenjem uređenja korita, te je realizacije projekta sanacije taložnica na tom dijelu moguća jedino nakon realizacije projekta Uređenja korita rijeke Spreče u Lukavcu na toj dionici.
 - 4.4. Radove na sanaciji izvesti na način da se ne ugrozi korito rijeke Spreče kao da se ne ugrozi vodotok rijeke Spreče i njen proticajni profil, njegova stabilnost i kapacitet.
 - 4.5. Korisnik je dužan da uredno vodi dnevnik rada svim podacima koji se uobičajeno vode kod ovakve vrste radova.
 - 4.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

- 4.7. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 4.8. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 4.9. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
 - 4.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 4.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 4.12. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni sanacijom nasipa postojećih taložnica „Bijelo more“ (taložnice 1, 2 i 3), ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
5. Ukoliko se izvođenjem radova na sanaciji nasipa postojećih taložnica „Bijelo more“ (taložnice I, II i III), ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
 6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
 8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na regulaciji korita rijeke, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
 9. Ova vodna saglasnost prestaje da važi istekom roka od 2 (dvije) godine od dana njenog izdavanja, ukoliko do tog dana nije pribavljeno odobrenje za gradnju i započeti radovi.
 10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Podnosilac zahtjeva, «SISECAM SODA LUKAVAC» d.o.o. Lukavac se dana 09.06.2023. godine, aktom broj: 1899/23 od 06.06.2023. godine, obratio ovoj Agenciji za izdavanje vodne saglasnosti za sanaciju nasipa postojećih taložnica „Bijelo more“ (taložnice 1, 2 i 3), izgrađenih u općini Lukavac u skladu sa projektnom dokumentacijom.

Uz zahtjev za izdavanje vodne saglasnosti dostavljana je slijedeća dokumentacija:

A. Opšta dokumentacija

- Rješenje o izmjenama podataka broj: 032-0-Reg-23-000474 od 05.04.2023 godine izdato od strane Općinski sud u Tuzli;
- Ovjerena kopija uvjerenja o poreznoj registraciji, izdatog 06.02.2013. godine od strane Porezne uprave Federacije - Kantonalnog poreznog ureda Tuzla;

- Uvjerjenje o upisu u Jedinstveni registar obveznika indirektnih poreza br. 04/1-UPP/1-9077/07 od 01.08.2007. godine, izdato od strane Uprave za indirektno-neizravno oporezivanje Banja Luka-ovjerena kopija;
- Zaključak o odbacivanju broj: UP1-03-19-2-597/22 od 1.09.2022 godine izdat od strane Federalnog ministarstva prostornog uređenja;
- Kopija rješenja o prethodnoj vodnoj saglasnosti broj: UP-1/21-1-40-536-10/22 od 30.03.2023. godine izdata od strane ove Agencije;
- Dokaz o uplaćenju upravnoj taksi u iznosu 60,00KM;

B. Tehnička dokumentacija

- Dopuna projekta Usaglašavanje projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu“ urađen od strane Rudarski institut d.d. Tuzla, maj 2023 godine;
- Revizorski izvještaj Dopuna projekta Usaglašavanje projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu“ urađen od strane „EDI-ING“ d.o.o. Donji Vakuf

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku koji je prethodio donošenju ovog rješenja utvrđeno je:

Sanacija nasipa postojećih taložnica „Bijelo more“ (taložnice 1, 2 i 3) je pokrenuta nakon incidentnog pucanja taložnice broj IV, s ciljem postizanja sigurnosnog aspekta i onemogućavanja sličnih incidentnih situacija.

Za potrebe izrade projektne dokumentacije angažirana je projektna kuća Rudarski institut d.d. Tuzla, koja je uradila projektnu dokumentaciju pod nazivom „Dopuna projekta Usaglašavanje projektne dokumentacije Glavnog projekta sanacije taložnica Bijelo more 1, 2 i 3 sa revidovanom dokumentacijom „Uređenje korita rijeke Spreče u Lukavcu“ urađen od strane Rudarski institut d.d. Tuzla, maj 2023 godine. Projektana dokumentacija je revidovana od strane „EDI-ING“ d.o.o. Donji Vakuf.

Za izradu nasipa upotrijebit će se anorganski materijal mješavina kamenog agregata –jalovina i mješavina bijelo/crno more u odnosu 50/50.

Projektnom dokumentacijom je pored ojačanja nasipa predviđena izrada drena čija je uloga da prihvati i sprovede procjedne vode koje su prisutne duž postojećeg nasipa. Predviđenu drenažu je potrebno zaštititi geotekstilom.

Obzirom na izloženu analizu mjerodavnih količina voda koje je potrebno zbrinuti na objektu taložnice Bijelo more 1, 2, 3 projektant je usvojio rješenje koje se sastoji od drenažnih slojeva od krečnjačkog kamena prečnika 50-150 mm koji ima funkciju prihvata procjednih voda, obaranja nivoa tih voda i njihovu dispoziciju u obodni kanal po rubu novoprojektovanog nasipa taložnica 1, 2, 3. Kanal će biti izveden u prirodnom terenu uz uređenje kosina i dana kanala prema geometrijskom obliku ojačanja nasipa objekata predviđenih u projektu uređenja Spreče .

Za predmetnu aktivnost je od Federalnog ministarstva prostornog uređenja izdat Zaključak o odbacivanju broj: UP1-03-19-2-597/22 od 01.09.2022. godine u kojem je navedeno da predmetni zahvati spadaju u radove redovnog održavanja i sanacije oštećene građevine koji se mogu smatrati radovima tekućeg održavanja te da ne postoje uslovi za izdavanje urbanističke saglasnosti.

Taložnice 1, 2 i 3 koje su u fazi sanacije se nalaze sa lijeve strane magistralne ceste M4 Tuzla-Doboj i desne strane rijeke Spreče koja ima zaobilazni tok oko jugoistočne i sjeverozapadne strane taložnica.

Predmetni obuhvat planirane sanacije kosina taložnica Bijelo more 1, 2, 3 udaljen je od Lukavačkog potoka cca 26,25 m i od jezera Modrac je cca 2,8 km.

Odstojanje od rijeke Spreče duž jugoistočne strane od donje ivice nožice projektovanog sanacionog nasipa varira tako da je na stacionaži 1+050,00 (profil P 26) na udaljenosti 14,50 m, na stacionaži 0+800,00 (P20) na udaljenosti od 8,92 m, dok duž jugozapadne strane također mjereno od donje ivice nožice kosine stacionaže 0+50,00 (P1) na udaljenosti od 6,35 m do stacionaže 0+750,00 (P19) na udaljenosti od 4,01 m.

Uvidom u predmetnu projektovanu sanaciju taložnica Bijelo more 1, 2 i 3 u odnosu na prostorni položaj rijeke Spreče, nasipi koji će se izvoditi u funkciji ojačanja taložnica se nalaze unutar vodnog dobra rijeke Spreče, tj. na udaljenosti manjoj od 15 m duž jugoistočne i jugozapadne strane. Planirana aktivnost spada u zahvate dozvoljene unutar vodnog dobra po članu 12. stav (1) tačka 6. Zakona o vodama, jer se radi o objektu za zaštitu od zagađenja. Istovremeno je važno napomenuti da bi neizvođenjem ovih sanacionih radova, stabilnost taložnica bila vrlo upitna, a samim tim i opasnost od dospijevanja sadržaja taložnica u rijeku Spreču, ali i nastanak šteta prouzrokovanih kao posljedica obrušavanja nasipa u korito Spreče.

Iz projektne dokumentacije je vidljivo da je sanacija na navedenim stacionažama -stacionaži 500 do 800 u dužini 250m do 300 m je u direktnoj koliziji sa tehničkim rješenjem uređenja korita rijeke Spreče te je realizacija projekta sanacije taložnica na tom dijelu moguća jedino nakon realizacije projekta Uređenja korita rijeke Spreče u Lukavcu na toj dionici.

Tehničko rješenje u projektu je takvo da predviđa radove na sanaciji uzimajući u obzir da su radovi na navedenom potezu mogući jedino nakon realizacije Uređenja korita rijeke Spreče u Lukavcu na tim dionicama.

U rješenju o prethodnoj vodnoj saglasnosti je između ostalih propisan uslov da se dinamika izvođenja radova sanacije nasipa postojećih taložnica „Bijelo more“ (taložnice 1, 2 i 3) uskladi sa dinamikom izvođenja Uređenja korita rijeke Spreče u Lukavcu na potezu od izvedenog dijela do ušća Jale kako bi se izbjegle navedene kolizije a imajući u vidu navedeno stanje na terenu.

Od strane ove Agencije, rješenjem broj: UP-1/21-1-40-536-10/22 od 30.03.2023. godine izdata prethodna vodna saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:

Situativni prikaz projektnog rješenja sa planiranim radovima na sanaciji nasipa postojećih taložnica „Bijelo more“ (taložnice I, II i III), izgrađenih u općini Lukavac, razmjere 1:1000, sve urađeno na bazi raspoloživih geodetskih podloga za potrebe izrade ove projektne dokumentacije. U projektnoj dokumentaciji je priložen normalni profil u razmjeri 1:100/1000 kao i poprečni profili u razmjeri 1:500.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- «SISECAM SODA LUKAVAC» d.o.o. Lukavac, Prva ulica br.1, Lukavac (Prilog – tehnička dokumentacija navedena pod tačkom B obrazloženja Rješenja)
- AVP Sava, ISV – Vodna knjiga
 - Sektor 30
 - Sektor 40, arhiva
 - oglasna ploča AVP - Sava